

Cap. XXX. De electione saltariorum. R.ca.

Ordinamus quod in electione saltariorum comunis Tergesti procedatur in hunc modum: videlicet quod dominium quod pro tempore fuerit octo diebus ante festum sancti Petri apostoli de mense iunii venturo congregari fatiant maius consilium, in quo fiant saltarii sub forma infrascripta: videlicet quod pro saltaria Castiglioni¹⁾ dentur in maiori consilio sexdecim brevia; item pro saltaria Melarsii duodecim brevia; item pro saltaria Culogne octo brevia, item pro saltaria Moncholani sexdecim brevia, item pro saltaria Grondellere duodecim brevia, item pro saltaria Sancti Viti octo brevia, item pro saltaria Lerde sex brevia. ¶ Et quicumque²⁾ habuerit ex dictis brevibus eligere debeat et teneatur sacramento unum saltarium ad illam saltariam de qua breve habuerit, qui sit etatis triginta annorum et abinde superius, et fuerit vicinus vel habitator Tergesti elapsis viginti annis, et possideret bona sua fixa propria valentia a ducentis libr. par. superius, qui non sit mercenarius vel subdictus alicuius persone, et qui fecerit guardam vel supraguardam vel aliam angariam in civitate Tergesti. // ¶ Et quando predicti saltarii omnes fuerint electi, tunc balotetur quilibet saltarius cuiuslibet saltarie per se sub hac forma: videlicet quis vult et qui non vult, et octo ex dictis sexdecim saltariis Castiglioni qui plures balotas habuerint, et³⁾ sex ex dictis duodecim saltariis de Melarso similiter qui per plures balotas habueri[n]t, et quatuor ex dictis octo saltariis Cologne qui plures balotas similiter habuerint, et octo ex dictis sexdecim¹⁾ saltariis de Moncholano qui similiter plures balotas habuerint, et sex ex dictis duodecim saltariis de Grondellera qui plures balotas similiter habuerint, et⁴⁾ quatuor ex dictis octo saltariis Sancti Viti qui similiter plures balotas habuerint, et tres ex dictis sex saltariis Berde, qui similiter plures balotas habuerint, sint firmi et rati saltarii in illa saltaria in qua fuerint electi, et nullo modo possint dictum offitium refu-

¹⁾ Aggiunta marginale. ²⁾ *quincunque*. ³⁾ *et-habuerit* aggiunta marginale. ⁴⁾ Aggiunta sopra la riga.